



Broj: 05/2-02-482/21
Sarajevo, 15.12.2021.godine

FEDERALNO MINISTARSTVO OKOLIŠA I TURIZMA
n/r Edite Đapo, ministrice

FEDERALNO MINISTARSTVO ZDRAVSTVA
n/r Marine Bere

PREDMET: Delegatska pitanja

Na 15.sjednici Doma naroda Parlamenta Federacije Bosne i Hercegovine održanoj 09.12.2021.godine, delegatkinja **Vesna Saradžić** postavila je dva delegatska pitanja.

U prilogu Vam dostavljam, radi korištenja, izvod iz neautoriziranog magnetofonskog snimka sjednice Doma naroda u kome su sadržana delegatska pitanja.

Molim da odgovore na delegatska pitanje dostavite Domu naroda Parlamenta Federacije Bosne i Hercegovine.



20.12.2021
of. k. 15.12.21

VIBOR HANDŽIĆ:

Zahvaljujem predsjedavajući.

S obzirom da se danas javljam prvi put dobar dan svima, svima nam želim uspješan rad.

Imam par inicijativa, moja prva inicijativa, odnosno i urgencija, da se što prije na sljedećoj sjednici na dnevni red Doma naroda uvrsti Nacrt zakona o zaštiti od nasilja u porodici koji je usvojen u julu mjesecu ove godine na Predstavničkom domu ako je on planiran da se danas doda naknadno ja sada tu informaciju nemam a evo i zbog toga vežem svoju sljedeću inicijativu koju sam ne znam ni ja koliko puta podnosio ovom Domu, rukovodstvu da omogućite barem neformalno prisustvo nekoga od predstavnika od Ostalih u Domu naroda na sjednicama Kolegija bez prava glasa. Eto, barem to kako bi i mi mogli biti na vrijeme informisani ono što se na tom radnom tijelu dešava itd..

I nakon što sam također nebrojeno puta tražio da se na dnevni red Doma naroda uvrsti Prijedlog prostornog plana Federacije BiH 8, 28. Predsjedavajući me prije neki dan obavijestio da je stigao akt Ministarstva prostornog uređenja u kojem se taj dokument povlači iz parlamentarne procedure.

I sada dostavljam upit, odnosno Inicijativu na Ministarstvo da mi se pismeno očituje da li je to tako i iz kojeg razloga je taj dokument povučen iz parlamentarne procedure?

Zahvaljujem.

TOMISLAV MARTINOVIĆ:

Hvala.

Još ima izaslanica Vesna Saradžić.

VESNA SARADŽIĆ:

Zahvaljujem predsjedavajući i pozdravljam sve prisutne.

Ja imam dva pitanja, jedno pitanje, prvo pitanje je pitanje Federalnom ministarstvu okoliša i turizma.

S obzirom na katastrofalnu situaciju na terenu po pitanju divljih deponija i činjenice da je ovakvo stanje neodrživo. Naravno, ukoliko se nešto odmah ne počne poduzimati.

Zamolila bih odgovor na sljedeće pitanje:

Šta Ministarstvo poduzima na unapređenju sistema prijavljivanja nelegalnog odlaganja otpada i uspostavljanja koordinacije između građana i nadležnih inspeksijskih i pravosudnih organa?

Mislim da je krajnje vrijeme da se uspostave održiva systemska rješenja jer će u protivnom slike smeća biti dominantnije od prirodnih turističkih potencijala.

Drugo moje pitanje je upućeno Federalnom ministarstvu zdravlja.

Na koji način i gdje će bit uništene vakcine protiv korona virusa kojima je istekao rok?

U Federaciji BiH rok trajanja je istekao do sada za preko 200.000 doza vakcina i odgovor na ovo pitanje smatram veoma bitnim kako vakcine ne bi završile u rijekama i jezerima.

Zahvaljujem.